

112 年全國語文競賽客家語朗讀文章國中學生組（詔安腔）

編號 1 號

【線上學習】李秉璋原作

神奇、神奇真神奇，上課毋使攔，交通毋會塞，想討學麼个，即學麼个。先生在僱擇，時間在僱選，三更半夜嘛會用，先生講了心色攔分明。佢會用係學生个先生，嘛會用做先生个先生，總講佢桃李滿天下，毋使準備拜師禮，毋使納學費，你想討學，佢即會教。

毋管你係巧神¹抑係預顛²，佢攞收。佢無擇學生、無擇時間、無擇所在，單單擇你，擇你想討學个心。這係學習个革命，這係時代个轉變。來了急、來了緊，跔會著大進步，若像臉身脣有仙人指點，武功大進。

馬桶毋會曉修理有人教，鏈鋸毋會曉發，一步一步來，秘訣³教你知。網路線个接頭線路毋會曉排，有人教你色地愛分明，五花八色照順序，工具攔特別，頭尾一下拗夾落去，接頭插落網路通。

雖然講一個銀角毋會響，毋過先生大部分攞係自家在唱戲，

講到嘴角全波，精神飽滿，歡頭喜面，若像攞毋會恹攞有耐心！一遍教毋會曉，攞教一遍，你想討學幾下回即學幾下回，學到你自家毋莫。

千里緣分一線牽，天下盡在僱彈指。現代生活真舒適，冷氣吹，彈指間，毋使出門、毋使尖車，想討仰子學即仰子學。就算係疫情時務，學校个線上教學，有淡薄無恹自由，毋過嘛有人全然認真，著面聽課，著面查資料，正經係講一知三，師傅渡入門，修行在個人。上課講義自家留，毋使抄，三個快速鍵一抑⁴，滑鼠一搯，講義隨留落來。

當日上課紀錄先生有錄製。驚你單單係「用手機上課定」，人毋知走哪位去。所以先生上課會問問題，一半問，一半係在點名，睭你心思有在無？認真上課个，回答無問題攞會講頭即知尾，無用心个嘛無問題，平平無問題，這個係毋知半件，所以無問題。連先生喊佢回答，佢若像在人間消失，無鏡頭、嘛無回答聲，訊息攔上嘛無留字，所以佢正經係「用手機上課定」。

線上學習，成就隨在人，逐儕有擇个自由，即愛對自家个人生負責。對自家未來正經个慷慨，即係拗一切攞貢獻得現時。今日个僱，成就韶日个僱。

¹ 巧神：音 kioo`shin`；聰慧，屬具特殊能力的聰明。

² 預顛：音 ham men；形容人笨拙魯鈍。

³ 秘訣：音 bi`guad`；訣竅，指事物的要領、竅門。

⁴ 抑：音 ed`；按、手用力向下擠壓。

112 年全國語文競賽客家語朗讀文章國中學生組（詔安腔）

編號 2 號

【火燒山崗】李宜諭原作

在莊下，鬧鬧熱熱个舊曆年一過了，又伸恬靜个生活。毋過，行過消防隊个時，會睜著遐一臺一臺个消防車駛出車庫歇在路脣，雖然睜毋會著無閒挾掣个身影，嘛聽毋會著緊張刺耳个警報聲，毋過，空氣內底有藏一息仔討停動个電波，一種神經擱纏个氣氛。

舊曆二月係美濃人掛紙个時節，恁多年天氣反常，春雨慢到，二月个山崗燥批批，所以，第一個拜六掛紙个烏昏開始，就會睜著山崗面上出現冲天个煙，接落來紅紅个火光就透出來啊——阿依哦，火燒山崗啊！消防車个身影像走相捎恁從歸路，警報聲在街路咻个過，一臺、兩臺、三臺……歸下出動啊，毋過，佷暗過後即難啊，高不將換手腳溜掠个阿兵哥，擎鑷鐵、刀嫲枷就近个竹頭、樹、草荊莫——斷火路。

第二日打早，「轟……叮叮叮叮、叮叮叮叮」直升機个聲音就在天嶼來來去去鳴無歇睏。「直升機去美濃湖舀水啊哦！」美濃湖黏時鬧熱起來，大家較緊號¹一個好位，坐落來慢慢子睜蹠直

¹ 號：音 hoo；佔。

升機在湖面舀水个景象。遠遠飛過來个直升機，討到位美濃湖个時，就會慢慢仔降落來，等到食肚下个大隻袋揆著²水面，佷就會較緊枷袋向前拖一下正擱揪起來，淦淦一大袋个水即吊起來啊，續落枷這恁大袋个水搖搖晃晃吊到廣善堂後背个山崗面上，對半天高漕落來，恁大袋个水隨化做一臨白白个濛煙散淨淨。

天嶼个直升機一擺又一擺，對打早飛到佷暗；山腳下消防車个水一笱又一笱直直射；山崗上紅紅个影跡對山前擴散到山背、對山坪延到山嶼。更深夜靜个暗頭，總會聽著竹頭燒到劈哩叭啦³響个聲，火屎就跔風滿哪位飛，天光个時，家家屋屋个屋嶼、大路上、田底跌啊攏係烏烏个火屎。山崗个火日夜燒，山下个消防車、救護車、阿兵哥嘛日夜顧……一半下伸冲天个白煙，大家想討歇睏一下个時，紅紅个火舌⁴嘎又好定泥竄出來⁵，就恁一直愛燒到掛紙煞。

火燒山崗對環境、對山林个破壞十分大，睜著荊竹頭个阿兵哥得竹笱劃到手和面攏流血流滴，實在得人毋盼，掛紙个方式係毋係鄉親愛好好來思考、參詳咧？

² 揆著：音 dud` choo；碰觸到。

³ 劈哩叭啦：音 pi li pa la；竹子燒裂的聲音。

⁴ 火舌：音 foo` shed`；火焰的頂端。

⁵ 竄出來：音 con` chid` loi`；鑽出來。

112 年全國語文競賽客家語朗讀文章國中學生組（詔安腔）

編號 3 號

【鷓鴣飛啊飛】張瑞玲原作

打早，日頭正對東片裡鷓鴣嘴¹個後背升起來，金黃又晟目個金線射入天嶼。佢較緊蹬遐臺一騎即鳴歸路個老鐵馬，來到佢個百果園，猶想講今日日頭一出來即到位，算真早啊！無想著，正蹬入園內，隔壁種大梨個阿權哥即在遐大聲咻啊！「喂！日頭恁高啊正到位哦，敢做有事？」

唉！佢攏恁早啊，猶輸佢，這個阿權哥係歸暗夜毋使睡係無？做麼個會用七早八早即來到位咧？心肝猶在想，嘴又毋肯認輸，對嘴即應佢：「無啦！毋係來做事，係來睺鷓鴣個啦！」

佢個林園在山龍圍核個窩內，若堵著像今日恁個好天氣，打早即會有三、四隻大鷓鴣，在四脣個山嶼飛啊飛。

和阿權哥個嘴鼓都猶旨答煞，聽著遠遠個所在傳來「咻！咻！」個聲，鷓鴣出來啊！阿權哥睺著鷓鴣出來，要緊個山園事頭嘛放落，跔一陣來鬥接梨個工人，坐在佢工寮個蔭影²下欣賞這齣大自然個表演。

睺佢人展開長長個翼胛、利用熱氣，慢慢翹、款款子盤，越

翹越高、若盤若遠，到尾變做天嶼個一粒烏點，親像優雅個天嶼王者，對天嶼睺落佢人守護個土地。

一半下，會睺著佢人胸澄澄、目直直歇在脣頭個樹樞面上，好定泥無聲無說即從落，一矚目轉身又飛向上，尖尖利利個爪，夾著一尾堵著否運個蛇，即歸路「咻！咻！咻！」風神喋喋飛入密密個樹林內底。

又有時務，睺佢人在高高個天嶼迴來迴去，好定泥，兩裡翼胛一收，對天嶼直直墜落，佢心肝內猶想：「這隻鷓鴣這下包穩死無命啊！」毋過，睺佢硬硬討撞著泥下，翼胛一展、利爪一伸，黏時討頓恬個一矚目時間，佢遐雙利爪，毋知哪時捉著一隻臉身猶在扭啊扭個大隻老鼠，一轉身又飛到半天高啊！

歸陣人睺鷓鴣表演睺到嘴擘擘，有人講：「難怪，在這林園做恁久個事頭，罕得睺著蛇，即係有這兜鷓鴣守護這兜土地，蹠在這四角輪轉個老嫩大細正有通安心生活啊！」

¹ 鷓鴣嘴：音 rhio` poo` zhe`；東勢東方山峰名，華語稱鳶嘴山。

² 蔭影：音 rhim` rhang`；陰影。

112 年全國語文競賽客家語朗讀文章國中學生組（詔安腔）

編號 4 號

【蔗下个蟬】羅紫云原作

屋脣遐蔗白蔗，種幾下年啊真大蔗，斬莫又會攞暴穎，生到青拚拚，闊目¹多汁，清甜好食。

逐年大約到五月開始，逐日到晝暗，即會有一陣著青衫，真靚真得人惜頭大尾尖翼長个草蟬，細細像手指尾恁大隻定，黏在這長青色个蔗葉下，出力像在遐唱歌弄曲，鬧熱滾滾。佢人總係唱著：「炎炎兒²——炎炎兒——」甜甜个歌聲，一直到下晝兩點外正會煞棚³，歸下無喝恹。

草蟬下班了後烏蟬⁴跔个上棚，毋過，烏蟬係黏在白蔗脣遐弓弓个苦棟樹嶼，佢算係頭大隻个蟬，臉身著一身烏色个西裝真顯目，大聲唱佢人个愛戀歌：「蟬⁵——蟬蟬蟬——蟬——蟬蟬蟬——」佢人攞背一臺自家做个放送頭，遐聲音放送到真遠都聽會著。佢心情好个時務，即阿腦佢人唱歌真好聽，心情無好个時又感覺佢人注死耳鼻。毋過一想著佢人來到這世間，正有短短幾下

日，就真佩服佢人恁勇敢認真打拚个精神，來完成唯一愛做件事——傳宗接代，遐即無麼个好怨嘆，嘛原諒佢人个大聲野喉啊。

在這鬧熱个時務，佢人擔凳恬恬坐在蔗脣詳細聽，猶會發現佢人毋係儘採唱个哦，知照順序有條理，有時獨唱有時合唱輪个來，像有人指揮，聲音有清亮、低沉、有時大有時細，發出个聲無幾共樣，有个較尖有个較溫柔。其實，蟬有真多種，有一年、三年、五年、十三年、十七年，長年攞蹓在泥底不見天日。在隱居个泥底，培養破土个熱情；在多年个等待，化泥底能量做聲量，衝破重圍，就為著這短短幾下日个自由飛出。

佢心肝底直直想：這蔗蔗無落肥，敢係因為聽了蟬熱情清亮个歌聲，正越生越高越弓？恁佢人，嘛愛像蟬恁知足，知恩圖報，逐日歡頭喜面，這一世人就多姿多彩啊！

¹ 闊目：音 lang^ˇ hm^ˊ；指甘蔗目與目的距離比較長，代表長得很好。

² 炎炎兒：音 rhiam rhiam rhi；草蟬的叫聲。借字。

³ 煞棚：音 sad^ˊ pang^ˋ；結束。

⁴ 烏蟬：音 bbu^ˊ hiam^ˋ；此指臺灣熊蟬。

⁵ 蟬：音 hiam^ˋ；此指臺灣熊蟬的鳴叫聲。

112 年全國語文競賽客家語朗讀文章國中學生組（詔安腔）

編號 5 號

【虎頭蜂叮著記】李政暉原作

得虎頭蜂叮著啊！

遐日晨早去山底巡水做事，無睺著路脣个竹林面上有大個蜂
藪，嘛無細義撞著¹遐支竹篙佢人即尋著佢。惡豺豺²个蜂黏時即飛
在佢四輪轉，對佢臉身黏過來。佢陪著一隻睺，知係虎頭蜂即驚
著攔緊走，著面退著面陪臉身和頭那毛面上个蜂。退到無蜂个所
在正感覺頭那浮浮人怪怪，緊行轉屋下討歇一下。

無幾久佢頭那殼、臉身、手髒和脅下開始作埕會疾：頭那殼
感覺即像雲漂在天竦，又得人縳蹠浮浮腫腫攔纏纏，頭那暈暈³無
法度思考。倒手手婆腫到像紅靛，手痺痺、手指尾會伸毋會鉤；
坐毋會核⁴睡毋會去，唉唉唧唧真成艱難。哪係有陰間，遐個時个
佢應該係蹠在內底。

落尾得人送去病院掛急診，講著有十外隻个蜂叮著佢了後，
醫生真認真對佢講：普通來講虎頭蜂叮著二十針以上即可能有生

命危險，這款个蜂無解毒个血清，較嚴重有時務會引起過敏性休
克抑係溶血个症頭，頭好愛先通知你屋下底个人。醫生安排吊大
筒⁵、注射和抽血，交代佢先歇睺，若有麼个無堵好愛黏時講。

等佢略略睡一斂了後，感覺好真多即想討轉去。毋過醫生愛
佢加歇一下觀察睺望，頭好等屙尿个尿水色正常，若係變烏暗泥
色即較麻煩愛送大間病院。愛攔等一下，無麼个問題正會用出
院。頭尾攔無問題醫生猶係掛心講：「開个藥愛照三頓食，有麼
个無快活即愛攔緊過來哦。」

轉屋下換衫褲正知攔總叮著十六針，兩隻手髒發癢紅腫，真
成癢。倒手婆猶係紅腫無感覺、頭那暈暈想討睡。睡到半夜直直
爪，癢到硬討拗皮掀開、爪入骨頭髓去。食藥、抹藥無麼个效。

這滿蜂叮个所在結疔啊，睺著這兜堅疔即攔一擺得佢想著：
遐個時務遐兜蜂，佢一個人在山底有幾危險。

¹ 撞著：音 dung choo；接觸、碰到某物。

² 惡豺豺：音 oo' sai' sai'；很凶惡的樣子。

³ 頭那暈暈：音 teu' na' hin' hin'；頭暈暈的、頭暈目眩的樣子。

⁴ 坐毋會核：音 coo' m' bboi hed'；坐不住。

⁵ 吊大筒：音 deeu' tai tung'；吊點滴。

112 年全國語文競賽客家語朗讀文章國中學生組（詔安腔）

編號 6 號

【金黃色个旅行】曾雪蓉原作

旅行係一種真好个休閒活動，會用得人个心情鬆爽，拗頭靚个回憶留落來，另外旅行嘛係一種學習，有一句事講：「行萬里路，贏過讀萬卷書」，在旅行个時務，沿路睇著个、聽著个，可能比在書內底學著个猶較精彩、心色。

在印象內底，佢頭懷念个一擺旅行，係前幾下年佢八月半个時，爺哀渡歸屋下人去花蓮寮。

佢人來到花蓮富里个六十石山，歸路感覺花蓮个空氣特別好，一聲又一聲大鷓婆歡喜又自在个歌聲，響在彎彎幹幹个山路，佢人在高高个雲岫迴來迴去，展開大大个翼，無分日夜在這片山頭巡邏，佢人係這片天地个山大王，嘛係保護者。

等阿怙拗車歇在忘憂亭，佢一落車即睇著滿山坪个金針花開到鬧鬧、真顯目，想起識在電視睇過一個紹介花蓮金針山个節目，講這跡位係一個靚到會得人「起童」个所在，這句事正經半點都毋會差；佢企在這高高涼亭个時，睇著歸片个山頭，變成金黃色个世界，當合著泥香、野花香个山風對面吹過來遐下，毋知仰子，佢个心肝頭有一種感動攔有幸福个感覺，佢想這即係大自

然个力量。

阿怙講：「前人種樹後人涼，前人種竹後人搖。」這山頭个金針花，係真多前人開山打林開墾出來个，所以來到這遊寮个時，愛知寶惜，毋單拗這个美景用相片隨轉屋下，嘛愛拗自家个垃圾處理好，恁年年正會有靚靚个風景好欣賞啊。

當夕陽像一粒深紅个柑子，掛在天岫个時，本來開到真有精神个金針花，像約定好共下下班个樣，攏目珠眨眨相偎憑，恬恬仔睡去啊；難怪金針花又喊做「一日美人」，佢跔日頭起來又在日頭落山个時，合起佢錫人个花蕊衫裙，做一個靚一日个美人。

時間過去真久，一半下佢猶係會想起遐擺「金黃色个旅行」，親像又聽著大鷓婆歡喜个歌聲，真久……真久。

112 年全國語文競賽客家語朗讀文章國中學生組（詔安腔）

編號 7 號

【頭風神个社團活動】劉純汝原作

兩年前正開學个時務，提著社團選單，哇！一拖拉庫¹呢，有服務隊、排球隊，攞有童軍團、熱舞社……，選時，毋知選哪個正好？欸！「西洋劍隊」佢目珠一金，仰子恁風神个名咧？「嗯，即選你啊！」

這下想起入團隊个第四個月，佢總算有機會參加全國比賽。換佢上場啊——劍衫掀好勢，面罩和手套嘛戴好勢，夾起電衫跔正馬步，盡拚啊！比賽一開始，佢擎劍出力滑步搶前進攻，出蠻力拂啊拂。哪會知，佢長刺佢撥擋、佢飛刺佢敲劍……，阿依哦！總係得佢閃利利，戰術嘛得佢暹透透！佢个心肝著掣²，手腳亂了了，節奏嘛亂去啊；對手密密咻！咻！咻！咻，佢嘎直直揮空直直失分，輸到恹恹恹！

佢一比煞，軟摺摺个雙腳好定泥跪落地，賠命个「啊」一聲，即像無氣無脈个鬥雞，失志失志！原本个自信驚係走到天嶼和白雲賞藏膨嬰去啊！

貼心个劍隊伴，歸下攞行俛佢——有人送涼水、有人舂背脊

駢、攞有人拗佢攪纏纏，教練嘛款款安慰佢講：「人生有時星光有時月光，你打到真慶，後次擺正攞加油！」目汁強強會忍毋會核个佢，深深感受著佢人親像寒天个細粒日頭，得佢黏時燒暖燒暖！

人講「臺嶼三分鐘，臺下十年功」正經有影。聽起來恁風神个「西洋劍」，做起來無恁快！除了考反應、比體力，猶愛揭頭腦、想戰術。這兩年來，一擺又一擺毋係你贏即係佢輸个比賽，得佢學習著：仰子面對失敗、仰子面對無厲害个自家，面對問題、解決問題！佢真煞作打拚，發揮客人硬頸精神个本等，練好基本功，抓捉要領；十年接一劍！佢个劍術越來越進步啊，武藝比得古代个花木蘭哦！

「西洋劍」係源自十七世紀个歐洲，嘛係奧運項目之一；有分鈍劍、銳劍、軍刀三種，競賽員在比賽个時，企在鐵枋面上个兩裡準備，用劍頭先刺著對手有效个部位即算得分，嶄然有速度感和爆發力。

「西洋劍」毋單培養專注力、思考力，攞有觀察力和判斷力，猶係「頭風神」个社團活動哦！

¹ 拖拉庫：音 too' la ku'；語源於日語「トラック」，卡車，此文形容很多之意。

² 著掣：音 choo cheed'；指心裡很著急。

112 年全國語文競賽客家語朗讀文章國中學生組（詔安腔）

編號 8 號

【 礮塍下遐頭杙仔樹 】徐秀英原作

躡在莊下，屋脊種幾下頭樣仔樹、牛眼、杙仔係真平常个，一到打子个季節，管佢有黃抑無黃，橫直會食个物件；細子絕對無放佢煞，若係吵著睡當晝个叔公叔婆，得佢人大聲攔，遐下晝即無戲好唱啊。

佢屋下即在伙房个盡尾，崎溜落就係礮塍，礮塍下个圳溝係細子熱天个天堂，泔水、屎魚、捉蝦、釣蛎子，想會著个齣頭，麼个攏提來賞！遐頭杙仔樹即對礮塍下个石壁透出來。

阿媽真愛食這頭个黃杙仔，見睜著杙仔會食个遐駁子，佢就會擎杖子行俛來拗佢這兜細子講，青杙仔食了會屙丁屎，愛等佢黃正好食。細子嘴應講好，一陣柶豺狗哪！哪管會核佢人遐支嘴，幾下雙賤手捋會著个，歸下就捋來塞牙縫啊，除了生到盡樹尾捋毋會著个，阿怙就會擎竹篙又去擗落來，較丁个佢會自家食莫，較黃个佢會困在米缸內底，加翁兩日正提去阿媽間底，無牙个阿媽，食了，面上滿足个笑容，到這滿佢都猶記得。

遐頭杙仔樹嶼，輒輒就會有啣噙丟仔飛來做藪。啣噙丟仔毋驚人，佢人在樹下賞扮家貨，佢在樹嶼啾啾呌飛來飛去。細子雖

然番綻，毋過攏毋識去撞過佢个藪。較跋劇个會跋上石壁去算睜望，藪內底有生幾多粒卵。一駁子過後，樹嶼又加幾下隻得人惜个細隻鳥，就恁生生不息。

樹嶼嘛有膨尾鼠跳上跳落，猶有共樣毋驚人个赤龍公趁來趁去。膨尾鼠尾絨絨，真得人惜，屋下食伸个果子抑係果仁、果皮困在樹下，佢人會輪个跳過來食，咕嚕嚕个目珠仁玲瓏蕙，若像驚人來搶食，實在真心色。赤龍公即無恁得人惜啊，因為佢人个皮膚有保護色，得樹極抑係燥葉遮躡个時，一無注意就會得佢嚇著，所以佢真感赤龍公。

恁多年過去啊，礮塍下遐頭杙仔樹早即無在啊，毋過，遐童年个回憶，長久就恁香甜个困在佢心肝底。